

Awor Pos Chiquito ta suplica autoridad pa tene DEA leu PROYECTO MANGEL HALTO TA MUSTRA CON DEA TA TRAHA

ORANJESTAD (AAN): E articulo cu a keda publica den edicion di ayera a base di declaracionnan di e fundacion DEA a causa basta reaccion ayera y a pone hopi hende ariba pia. Un banda completamente diferente di e medaya a keda presenta awor na DIARIO dor di personanan cu ta pidi publico bay mira kico e mesun DEA a haci na Mangel Halto.

Tabata na añanan 1982 pa 1983 cu e asunto a haya su origen. Aparentemente na Hulanda a keda regla pa fiancia un proyecto cu mester a significa construccion di un pasashi dor di e matanan di mangel na Mangel Halto bay te Santo Largo of Isla di Oro. E proyecto aki mester a termina cu un beach na Mangel Halto.

E tempo tabata poco confuso si Gobierno di Aruba mes tabata completamente tras di e proyecto. A cuminsa coba na Mangel Halto pa asina crea un boca. Un par di aña despues cu a cuminsa e proyecto a tranca financieramente.

Aruba no tabat tin placa mas ora Lago a cera su portanan y e proyectonan a tranca. Mangel Halto a keda cu e cicatriznan pero awe despues di casi diez aña e asunto aki ta keda trece problema.

Mientras hopi hende no ta comprende nada mas di e fundacion DEA ni por mira unda e ta bay bida a sigui. Habitantenan di e diferente barionan mes ta percura pa e costa den nan vecindario y ta haci loke nan por na beachnan.

Awor cu e publicacion di DEA a sali ayera disgusto a keda expresa. Tin hende cu a puntra si DEA ta na bida y si e ta na bida pakico el a laga un proyecto na mitar pa cana stroba desaroyo di otro partinan importante.

Por ehemplo habitantenan di Pos Chiquito ta sumamente disgusta cu loke ta pasa. Nan a mostra cu cada tanto tempo un representante di DEA ta presenta pa bruha tera. E accionnan di DEAA laga desastre atras y na Pos Chiquito e habitantenan a logra crea nan propio espacio caminda nan y tur hende cu ta biba den vecindario y di tur parti di Aruba ta bin busca recreo.

"Mangel Halto a keda na

werki. Kico DEA ta busca ainda?" a worde treci dilanti pa un ciudadano furico. Antes Mangel Halto tabata hopi frecuente pero awor ni siquiera por yega na e sitio drechi.

Pier a bay perdi y botonan y nada a worde concretiza di e promesa di e fundacion pa laga traha nobo.

Papiando di boto e habitantenan a bisa cu nan a tende un que otro di un boto pa hende siña pisca y cu nan ta buscando mas informacion den e asunto. Nan a pidi asistencia di DIARIO pa yuda nan den e investigacion.

E situacion ta birando fastioso y por mira esaki den e hecho cu un cantidad di habitantenan di Pos Chiquito y vecindario a manda un carta pa autoridad hunto cu personanan cu tin nan boto of ta pisca ariba e strip cu DEA ta considera su propiedad. E ciudadanonan a pidi autoridad pa no laga DEA y sigur no e persona cu ta papia pa DEA bini nunca mas den nan vecindario pa asina no bini mas problema.

A worde muestra den e carta cu Pos Chiquito ta un bario tranquil caminda tur hende ta biba den harmonia

cu otro. E beach ta worde usa dor di tur hende cu ta yuda crea un lugar di recreo bunita pa tur hende y no un proyecto cu ta keda na mitar.

Pa mas cu dos aña e habitantenan aki no a mira ningun hende di DEA den nan vecindario y conhuntamente nan a drecha e desastre cu DEA a bay laga atras. Awor nan ta suplica DEA pa keda

leo.

E asunto aki ta parce di ta bay bira un desaroyo fastioso di cual hende lo no comprende nada. Ta conoci cu beach ta di Pueblo y di unda a sali cu awor tin fundacion of cualquier persona cu tin reclamo ariba nada?

DIARIO ta sigui profundiza den e materia aki pero ta kere cu ta bira tempo

si pa cuminsa analiza kico ta aceptable y den cuadro di normalidad of no. Asunto di hende cu reclamo kende por traha of laga di traha ariba un beach ta algo cu ta sona ridiculo.

TELEFONNAN DI DIARIO
22207-26747-35026

Enhance the Experience!


L'Escale

Chef Ravalais and his staff would like to invite you to experience a unique and creative cuisine in an elegant ambience at L'Escale, which is located upstairs in the Seaport Village Mall. A combination of utmost personal service and live entertainment will create a memorable dining experience, nightly from 6:00 p.m. to 3:00 a.m.

For reservations please call our restaurant at:

Telephone: 36000, ext. 791

L.G. Smith Boulevard





ANTIL

13 ONE

**HARDWARE
BUILDING MATERIALS
HOME APPLIANCES**

**SAN NICOLAAS TEL: 45018/46162
DAKOTA TEL: 24040 FAX: 22182**



**ANTIL SI TA
HACI COMPRAS
DEN BON AMBIENTE!**